



**KATIKA KAMATI YA MAUDHUI YA MAMLAKA YA MAWASILIANO  
TANZANIA, DAR ES SALAAM**

**MASHTAKA YA UKIUKAJI WA KANUNI ZA MAWASILIANO YA KIELEKTRONIKI  
NA POSTA (MAUDHUI YA MITANDAONI), 2018  
SHAURI NA. 09 - 2018/2019**

**HB TV**

**UAMUZI**

**UAMUZI WA KAMATI YA MAUDHUI KUHUSU TUHUMA YA UKIUKAJI WA  
KANUNI ZA MAWASILIANO YA KIELEKTRONIKI NA POSTA (MAUDHUI YA  
MITANDAONI), 2018.**

**1.0 Utangulizi**

- 1.1 Mamlaka ya Mawasiliano Tanzania (TCRA) ilitoa leseni ya kutoa maudhui mtandaoni kwa **HB TV**, kwa ajili ya kuchapisha na kutangaza habari mbali mbali mitandaoni. Kwa mujibu wa Kanuni ya 4 ya Kanuni za Mawasiliano ya Kielektroniki na Posta (Maudhui ya Mitandaoni), 2018, Mamlaka ya Mawasiliano Tanzania ina jukumu la kutunza kumbukumbu za watoa huduma wote wa maudhui mtandaoni pamoja na kuchukua hatua stahiki za kisheria dhidi ya mtoa huduma yoyote wa maudhui mitandaoni atakayekiuka Kanuni za Maudhui Mitandaoni au sheria nyingine.



- 1.2 Mtoa huduma wa maudhui mtandaoni, **HB TV** anatumiwa kukiuka Kanuni tajwa za Maudhui Mitandaoni mnamo tarehe 05 Mei, 2019 kwa kuweka mtandaoni maudhui yenye lugha ya matusi kupitia chaneli yake iliyoko katika mtandao wa Youtube. Maudhui hayo yalirushwa kwa picha jongefu kwa kunakili chapisho la mtandao wa kijamii wa Instagram wa **Bi. Rachel A. Temu** lenye kichwa cha habari **"tempestitiously."** **Bi. Rachel A. Temu** alisimulia mambo yanayohusu msiba wa Dkt. Reginald Abraham Mengi kwa kutoa lugha ya matusi na yenye kuwadhalilisha na kuwasononesha waombolezaji na jamii kwa ujumla.
- 1.3 Maudhui hayo yalitangazwa bila ya kuzingatia weledi ambapo **HB TV** iliweka picha ya marehemu Dkt. Mengi na mke wake na kuweka picha jongefu ya **Bi. Rachel A. Temu** aliyetoa matusi hayo ya nguoni.
- 1.4 Katika picha jongefu hiyo, **Bi. Rachel A. Temu** alisikika akizungumza maneno yafuatayo; **"...lazima mvae kama mnaenda Hollywood, ule ni msiba mkubwa, kuna Mabalazi, yaani pale kudanga full time....mmojawapo ni yule kahaba wa Paris ambaye alikuwa anakula na babu, kuna Kuma vibuyu kama hawa ambao wameingia wanatafuta mabwana halafu hawajulikani, kwa hiyo kama ulikuja hapa na mkundu wako kudanga unatafuta bwana pole yako Kuma kibuyu...sijui unaitwa Winnie Lips, wewe unaitwa Winnie Lips Kuma la mama yako au unaitwa Winnie sura kama kuma ya Amber Rutty.. kwa sababu shoga yako umejishongodoa kujisemesha semesha ndugu yangu hujulikani...".**
- 1.5 Kwa kuweka picha jongefu hiyo, **HB TV** imekiuka/imevunja Kanuni Namba 5(1) (a); (b); 5 (2) (b); 12(a); (b); (h) na (f) za Kanuni za Mawasiliano ya Kielektroniki na Posta (Maudhui ya Mitandaoni) 2018, ambazo zinasomeka kama ifuatavyo;



*(a) ensure that online content is safe, secure and does not contravene the provisions of any written law;*

*(b) take into account trends and cultural sensitivities of the general public.*

*5(2) A subscriber and user of online content services shall;*

*(b) ensure his posts do not contravene the provisions of these Regulations and any other written law.*

*12 Online content services provider shall not publish;*

*(a) indecent content save for sex and nudity sex scenes approved by the body responsible for film censorship;*

*(b) Obscene content;*

*(h) Content that causes annoyance, threatens harm or evil, encourages or incites crime, or leads to public disorder;*

*(f) content that portrays violence, whether physical, verbal or psychological; that can upset alarm and offend viewers and cause undue fear among the audience or encourage imitation;*

## **2.0 Wito wa kufika mbele ya Kamati ya Maudhui.**

Tarehe 22 Mei, 2019, Kamati ya Maudhui iliandikia uongozi wa **HB TV** wito wa kufika mbele ya Kamati kutoa utetezi wao kwa nini wasichukuliwe hatua za kisheria.

Tarehe 31 Mei, 2019, saa 08:00 mchana, uongozi wa **HB TV** ukiongozwa na Bw. Ezibon Paul Nzingo ulifika mbele ya Kamati ya Maudhui kwa ajili ya kutoa utetezi wao kwa nini wasichukuliwe hatua za kisheria.



### **3.0 Kusikiliza na Kuangalia Maudhui Mtandaoni ya HB TV ya tarehe 5 Mei, 2019**

Kamati ya Maudhui na Uongozi wa **HB TV** walisikiliza na kuangalia maudhui mtandaoni ya tarehe 05 Mei, 2019 yaliyochapishwa na **HB TV** katika chaneli yake iliyopo katika mtandao wa Youtube ili kujiridhisha iwapo maudhui hayo yalikiuka Kanuni za Maudhui Mitandaoni.

### **4.0 Maelezo ya Utetezi ya HB TV**

Uongozi wa HB TV uliwasilisha utetezi wake na kukiri kosa na pia kuomba radhi.

HB TV imedai kwamba lililenga kutoa taarifa juu ya kifo cha Dkt. Reginald Mengi kilichotokea na haikuwa dhamira yake kutoa habari yenye lugha ya matusi. Hii ilitokana na hitilafu, ambapo mhariri wao alichapisha maudhui hayo. HB TV iliendelea kuahidi kuwa itahakikisha kuwa itafuatilia kwa makini kila maudhui kabla ya kuyaweka mtandaoni ili kuhakikisha kuwa tatizo kama hili halijitokezi tena.

- 4.1 **Bw. Ezibon Paulo Nzingo** ambaye ni mmiliki na muanzilishi wa **HB TV** aliomba radhi kwa kutangaza mtandaoni maudhui yenye matusi. Alidai kwamba chaneli yake ni changa na kwamba alikuwa akiendesha mwenyewe ingawa sasa amepata wasaidizi wawili. Aliendelea kudai kuwa lengo lao lilikuwa ni kutoa taaarifa za kina za msiba wa Dkt. Mengi lakini alihamishia mtandaoni mwake maudhui hayo yasiyofaa kimakosa. Alisema kuwa ameshayaondoa maudhui hayo mtandaoni tangu tarehe 29 Mei, 2019 baada ya kupigiwa simu na TCRA .

### **5.0 Majumuisho ya Utetezi wa HB TV.**

Katika kujumuisha utetezi wao, Bw. **Ezibon Paulo Nzingo** aliendelea kuomba radhi na kusema kuwa **HB TV** haitarudia tena kosa kama hilo.



## **6.0 Tathmini ya Kamati**

- 6.1 Kamati ya Maudhui imebaini kwamba **HB TV** imefanya kosa la kuchapisha maudhui yenye matusi mtandaoni kwa uzembe kwani ilitakiwa kuwa makini na kuzingatia na kufuata Sheria, Kanuni na maadili ya Utangazaji.
- 6.2 Kamati ya Maudhui imebaini kuwa utetezi wa **HB TV** hauna msingi na kwamba maudhui aliyochapisha hayakuzingatia weledi.

## **7.0 Ushauri wa Kamati kwa HB TV.**

Kamati inalengo la kuimarisha tasnia ya habari na utangazaji na kuwa haina nia ya kubana ubunifu wa watangazaji, bali inawataka wanahabari kuzingatia weledi Sheria na Kanuni na maadili.

Hata hivyo kutokana na kosa lililobainika, Kamati inaushauri Uongozi wa **HB TV** kuweka usimamizi wa matangazo ili kuhakiki maudhui yao ni salama kisheria kabla ya kuwekwa mtandaoni. Hatua hiyo itaiwezesha HB TV kuepuka kuvunja sheria na Kanuni za nchi.

## **8.0 Uamuzi wa Kamati**

Baada ya kusikiliza na kutafakari kwa kina maelezo ya utetezi yaliyotolewa na Uongozi wa **HB TV**, Kamati ya Maudhui imeridhika kuwa **HB TV** kupitia chaneli yake katika mtandao wa kijamii wa Youtube imekiuka Kanuni za Mawasiliano ya Kielektroniki na Posta (Maudhui Mitandaoni), 2018.

**HIVYO BASI**, Kamati ya Maudhui imeamua yafuatayo:

**HB TV** Kulipa faini ya **Shilingi Milioni Tano (TZS. 5,000,000.00)** tu kwa Mamlaka ya Mawasiliano Tanzania (TCRA) kwa mujibu wa Kanuni Na. 18 ya Kanuni za Mawasiliano ya Kielektroniki na Posta (Maudhui Mitandaoni), 2018;



Pamoja na faini hiyo **HB TV** inapewa Onyo Kali na, pia ina aamriwa kuomba radhi kwa Watanzania kwa kosa lililofanyika kupitia chaneli yao ya Youtube kwa siku saba (7) mfululizo kuanzia tarehe 05/06/2019;

Uamuzi huu umetolewa na kusomwa Dar es Salaam leo tarehe **04** mwezi **Juni** mwaka **2019**.


Haki ya kukata rufaa dhidi ya uamuzi huu kwenye Baraza la Ushindani wa Haki Kibiashara (Fair Competition Tribunal – FCT) iko wazi ndani ya siku 21 (ishirini na moja) kuanzia leo.

**Uamuzi huu umesainiwa na:**

**Bi Valerie Ndeneingo-Sia Msoka**



.....  
**Mwenyekiti wa Kamati ya Maudhui**



**PAMOJA NA WAJUMBE WA KAMATI YA MAUDHUI:**

1. **Bwana Joseph Method Mapunda** .....
2. **Bwana Abdul Ramadhani Ngarawa**.....
3. **Bwana Derek Kaitira Murusuri**.....
4. **Bwana Jacob Gregory Tesha**.....